



CLASSIS III.

D E

AQUIS DISTILLATIS.

AQUÆ DISTILLATÆ SIMPLICES.

R. Rhabarbari
Sennæ **AQUA VIOLARUM.**

R. Violarum recentium ——— libram unam,
 Aquæ communis ——— libras decem.

Immitte in vesicam æream, sive ahenum distillatorium capax, ita ut quarta pars vacua remaneat. Macera per diem: superimposito capitello ignem subde, & per gradus auge, usque dum aqua ebulliat: eodem tempore per tubum capitelli rostro applicatum exstillabit liquor, primo guttatim, deinde quasi per rivulum. Gradum istum caloris æqualiter iustine, capitello ubi opus fuerit refrigerato. Tandem cum libras sex circiter Aquæ receperis ab opere desistes, collectam usui servabis.

Ea-

Eadem ratione ex aliis floribus Aquæ stillatitiæ parentur. E. G.

Aqua Florum Myrti,

Aqua Florum Tiliæ,

Aqua Florum Spinæ albæ,

Aqua Florum Sambuci,

Aqua Florum Fabæ,

Aqua Florum Papaveris Rhœados,

Aqua Florum Nymphææ,

Aqua Florum Chamæmeli. &c.

Aquarum distillatarum vim & usum ex floribus ipsis ac herbis ex quibus eliciuntur haud obscure conjicies.

AQUA ROSARUM.

℞. Rosarum communium ——— libram unam,

Aquæ fontis ——— libras decem.

Macera per dies aliquot donec Rosæ odorem fere vinosum acquirant. Instituatur postea distillatio ad dimidias secundum artem.

Hac methodo ex floribus odoratis distillantur

Aquæ fragrantiam retinentes. E. G.

Aqua Rosarum albarum,

Aqua Florum Citrei,

Aqua Florum Aurantiorum. &c.

AQUA

AQUA MELISSÆ SIMPLEX.

R. Melissæ recentis odoratæ — manipulos viginti,
 Aquæ communis ———— libras quadraginta.

Instituatur distillatio ut artis est, eaque tamdiu
 continuetur, dum Aquæ duas tertias circiter par-
 tes receperis.

Ita ex aliis herbis Aquas stillatitias parabis. Ta-
 les sunt, E. G.

Aqua Cichorii,

Aqua Artemisiæ,

Aqua Anonidis,

Aqua Fœniculi,

Aqua Fumariæ,

Aqua Lactuæ,

Aqua Malvæ,

Aqua Hordei viridis,

Aqua Euphrasiæ,

Aqua Lavandulæ,

Aqua Menthæ,

Aqua Salviæ. &c.

Aquæ istæ vulgares stillatitiæ, cum ad alia medi-
 camenta dissolvenda apud nos ut plurimum adhibe-
 ri soleant, plus fere justo dilutæ parantur. Si
 quis eas activiores ac meraciores desideret, singulis
 herbarum aut florum libris tres vel quatuor tan-
 tum aquæ libras affundat, unicam vero stillatitii
 liquoris libram eliciat.

AQUA

AQUA

AQUA MELISSÆ PER COHOBATIONEM.

℞. Melissæ recentis odoratissimæ — quantum placet,

Aquæ communis ————— triplum.

Distilla ad dimidias: herbam in aheni superstitem fortiter exprime, & colaturam misce cum aqua stillatitia: affunde Melissæ recentis tantundem addita aquæ communis ea quantitate quæ sufficit ad servandam proportionem herbæ ad liquorem. Iteretur distillatio, & omnia superius præscripta repetantur quoties libuerit. Si ad duodecimam distillationem perveneris, Aquam fragrantissimam habebis, ac præstantissimam.

Hac repetita affusione, quæ cohobatio dicitur, ex aliis herbis extrahi possunt Aquæ distillatæ; sed in iis quæ inodoræ sunt & insipidæ dispendium inane est.

AQUA CARDUI BENEDICTI

PER FERMENTATIONEM

METHODO LUDOVICIANA.

℞. Cardui Benedicti recentis — quantum placet.

Minutim inciso affunde

Aquæ Mulsæ sive Hydromelitis valde aquosæ
— quantum sufficit

ad supereminentiam unius digiti. Fermentescant in loco calido, donec herba fundum liquoris petere

S s

in-

incipiat. Immitte statim in ahenum, ac distilla secundum artem, sed igne moderatissimo, ne materia facile tumescens orificium aheni transcendat. Liquor exstillabit sapidus & odoratus, ubi vero inodorus ac insipidus prodire incipiet a distillatione cessabis.

Ex aliis quoque plantis, potissimum odoratis, non dissimili artificio *Aquæ stillatitiæ* elici possunt longe activiores, exaltatæ videlicet per fermentationem, quæ tamen sinceram earum fragrantiam nonnihil mutat.

AQUA DE SUCCO ACETOSÆ.

℞. Succus Acetosæ depurati ac filtrati
— quantum placet.

Immitte in cucurbitam vitream, capitulo superimposito: distilla ex arte in balneo - maris fere ad siccitatem. Quod in fundo cucurbitæ remanet est Succus concretus Acetosæ.

Eadem methodo alios plantarum succos distillare poteris, qui tamen ab Aquis eorundem stillatitiis paulo meracioribus parum vel nihil differunt.

Aqua stillatitiæ ex plantis odoratis, & quæ volatilibus partibus abundant, præsertim cobobatione extractæ de facultatibus earum multum retinent; ex inodoris vero & insipidis ut plurimum inefficaces habentur, ac diluendis tantum dissolvendisque aliis medicamentis destinari solent.

AQUA

AQUA RADICUM SCORZONERÆ.

℞. Radicum Scorzonær recentium minute incisarum — libras octo,

Aquæ communis — libras quadraginta.

Post sufficientem macerationem ex ahenò distilla, ut Aquas herbarum antea descriptas.

Ad eundem modum ex aliis radicibus Aquæ stillatiæ elici poterunt. E. G.

Aqua Radicum Graminis,

Aqua Radicum Pæoniæ,

Aqua Radicum Rusci,

Aqua Radicum Asparagi. &c.

AQUA CERASORUM NIGRORUM.

℞. Cerasorum nigrorum maturorum — quantum placet.

Contusis una cum propriis ossiculis, & modice fermentatis affunde Aquæ fontis duplum. Distilla ad medietatem.

Ita etiam ex aliis vinosis fructibus Aquæ distillatæ parari possunt. E. G.

Aqua Fragorum,

Aqua Fructuum Rubi Idæi,

Aqua Fructuum Alkekengi,

Aqua Omphacii. &c.

AQUA DE TOTO CITREO.

℞. Malorum Citreorum — quantum placet.

Incide in frusta minutissima, & affusa Aquæ puræ, vel decocti Citreorum modica portione, ex alembico five cucurbita vitrea distilla in balneo-maris ex lege artis.

AQUA NUCUM VIRIDIUM

LEMERY.

℞. Julorum seu Florum Nucis arboris — libras decem.

Tere, & infunde in decocto ex aliis Nucis floribus antea parato ad supereminentiam aliquot digitorum, postea distilla: in aquam distillatam immitte

Nucum immaturarum contusarum — libras quinque.

Macera per horas viginti quatuor, ac iterum distilla: aquæ distillatæ affunde

Nucum maturitati proximarum contusarum — libras sex.

Macera ut supra, & fiat tertia distillatio.

Diaphoresim promovet, ac in hysterisis affectionibus præcipuam commendationem habet.

AQUA

AQUA SPERMATIS RANARUM.

Rx. Spermat^{is} Ranarum ——— quantum placet.

Initio Veris de more collectum, quassatum, ac dissolutum lento igne distilla in cucurbita vitrea fere ad siccitatem.

Refrigerat, emollit, & recensetur etiam inter cosmetica.

SERUM DISTILLATUM

CUM CICHOREACEIS.

Rx. Foliorum Cichorii,

Taraxaci,

Endiviæ,

Sonchi asperi,

—ana manipulum unum,

Seri Vaccini libras duodecim.

Macera per diem, & ex ahen^o distilla secundum artem.

Ad refrigerandum, & humorum acrimoniam temperandam.

AQUA

AQUA CINNAMOMI LACTEA.

℞. Cinnamomi optimi crassiuscule triti
 ————— libram unam,
 Aquæ puræ ————— libras tres.

Facta maceratione per horas viginti-quatuor, distilla ex alembico vitreo in balneo-maris. Aqua prodibit lactescens fragrantissima, quæ ubi limpida exstillare cœperit, ab operatione cessabis.

Cor & spiritus reficit, stomacho male habenti succurrit.

Dosis a drachmis duabus ad unciam semis.

AQUA CINNAMOMI SPIRITUOSA.

℞. Cinnamomi ————— libram semis,
 Vini Malvatici,
 Aquæ Rosarum, ————— ana libras tres.

Fiat maceratio per horas viginti quatuor, deinde instituaturs distillatio ex alembico vitreo in balneo-maris, quæ tamdiu continuabitur, quamdiu prodibit liquor imbutus acrimonia & fragrantia Cinnamomi.

Viribus ad præcedentem accedit, fervidior tamen, & Spiritus Vini particeps.

Dosis a drachmis duabus ad unciam semis.

AUGA

AQUÆ

AQUÆ DISTILLATÆ COMPOSITÆ.

AQUA CORDIALIS FRIGIDA

SAXONIÆ.

℞. Succī depurati Borraginis,
 Buglossæ,
 Melissæ,
 Acetosæ,
 Lapathi acuti,
 Trifolii Acetosi,
 Bistortæ,
 Cyani majoris,
 minoris,
 Rutæ Capraræ,
 Calendulæ,
 Limonum,
 Citrei, — ana libram unam,

Aceti optimi — libram unam & semis.

Mixtis affunde

Seminum Citrei — unciam semis,

Portulacæ — drachmas duas,

Rosarum rubrarum,

Violarum,

Florum Nymphææ, — ana unciam unam,

Terræ Sigillatæ,

Samiæ,

Boli Armenæ Orientalis, — ana drachmas tres,
 Spe-

Specierum Triasantali ——— drachmas duas;
 Camphoræ ————— drachmam unam.

Macera per horas viginti quatuor, ac distilla ex
 alembico vitreo balnei calore secundum artem.

Uſus in febribus ardentibus ac pernicioſis.

Dosis ab uncia una ad uncias duas.

Sunt qui Margaritas aceto dissolutas Aquæ jam di-
 stillatæ superadjiciant, eamque ad animi defectus,
 ac terrores utilissimam deprædicent: utrumque con-
 tra mentem & institutum Auctoris.

AQUA CORDIALIS TEMPERATA

DISPENSATORII BRANDEMBURGICI.

℞. Succi depurati Borraginis,
 Buglossæ,
 Rutæ Caprariæ,
 Melissæ,
 Myrrhidis,
 Trifolii Acetosi,
 —ana libram semis,
 Pimpinellæ,
 Pentaphylli,
 —ana libram unam & semis,
 Limonum ——— libras duas,
 Aquæ distillatæ Fragorum,
 Fructuum Rubi Idæi,
 Cerasorum nigrorum,
 Rosarum, —ana libram unam,
 Vini

Vini Malvatici ————— libras duas,

Aceti optimi ————— libram semis.

Mixtis affunde

Florum recentium Calendulæ,

Cyani minoris,

— ana libram semis,

Nymphææ albæ — uncias octo,

Rorismarini,

Seminum Citrei, — ana unciam semis,

Ocimi ————— drachmas duas,

Flavedinis Citrei,

Santali Citrini, — ana unciam semis,

Cinnamomi ————— uncias tres,

Cardamomi ————— drachmas tres,

Ligni Aloes ————— drachmas duas,

Caryophyllorum,

Galangæ,

Macis,

Nucis Moschatæ, — ana drachmam unam & semis,

Croci Orientalis ————— drachmam semis.

Digere in vase clauso per dies octo, & in balneo maris ex alembico vitreo distilla fere ad siccitatem.

Ad lipotbymiam, syncopem, ac terrore, repentinos.

Dosis ab uncia una ad uncias duas.

T t

AQUA

AQUA MELISSÆ MAGISTRALIS

VULGO

ACQUA DE' CARMINI.

℞. Foliorum Melissæ recentium — uncias quatuor,
 Flavedinis Citrei recentis — uncias duas,
 Nucis Moschatae,
 Coriandrorum, — ana unciam unam,
 Caryophyllorum,
 Cinnamomi,
 Radicum Angelicæ, — ana unciam semis.

Contusis contundendis affunde
 Spiritus Vini rectificati — libras duas,

Aquæ Melissæ in balneo-maris pluries cohoba-
 tæ, & fragrantissimæ — libram unam.

Digere per triduum, ac distilla ex cucurbita vi-
 trea in balneo-maris fere ad siccitatem.

Usus in lipotbymia, & stomachi imbecillitate.

Dosis ad cochlear unum vel alterum.

AQUA THERIACALIS.

℞. Succī depurati Scordii,
 Rutæ Caprariæ,
 Acetosæ,
 Citrei, — ana libram unam,

Theriacæ Andromachi, — uncias quatuor.
 Dis-

Dissoluta in succis Theriaca, instituaturs distillatio
ex alembico vitreo in balneo - maris secundum artem.

Hystericis, apoplecticis, epilepticis prodest: ad vomitum etiam, ac ventriculi imbecillitatem utiliter adhibetur.

Dosis ab uncia semis ad unciam unam.

AQUA HYSTERICA

QUERCETANI.

℞. Nucis Moschatæ,
Cinnamomi,
Ligni Aloes,
Macis, ————— ana unciam unam,
Florum Rorismarini,
Salviæ, ————— ana pugillos duos,
Castorei ————— drachmas sex,
Fæculæ Bryoniæ ————— unciam semis.

Modice contusis affunde

Succi depurati Matricariæ,

Mercurialis,

Vini albi generosi, — ana libram unam & semis.

Digere per tres vel quatuor dies, & ex alembico vitreo in balneo - maris distilla ex lege artis.

Uterum ab impuritatibus detergit, muliebri fluori confert, hystERICA strangulatione vexatis præsidio est.

Dosis a drachmis duabus ad unciam semis.

AQUA APOPLECTICA

QUERCETANI.

℞. Ligni Visci Quercini,
 Radicum Dictamni albi,
 Caryophyllorum,
 Cinnamomi,
 Nucis Moscatae,
 Cubebarum,
 Macis,
 Zingiberis, ————— ana unciam unam,

Summitatum Dictamni Cretici,
 Baccarum Juniperi,
 Seminum Pæoniæ, ————— ana unciam unam & semis,

Comarum Stœchados,
 Florum Rorismarini,
 Salviæ,
 Betonicæ,
 Calendulæ,
 Hyssopi, ————— ana pugillum unum,

Camphoræ ————— drachmas tres.

Incisis & modice contusis affunde
 Aquæ Florum Tiliæ,
 Lilliorum Convallium,
 Ceraforum nigrorum,
 Salviæ, ————— ana libram semis,

Vini Malvatici ————— libras quatuor.

Digere per triduum, ac distilla per alembicum
 vitreum in balneo-maris fere ad siccitatem.

Ad

Ad apoplexiam a serosa & frigida causa productam.

Dosis ad coctile unum.

AQUA EPILEPTICA

CODICIS PARISIENSIS.

R². Radicum Valerianæ,

Pæoniæ, ——— ana uncias duas,

Caryophyllatæ ——— unciam unam,

Angelicæ Bohemicæ,

Dictamni albi, — ana unciam semis,

Summitatum Dictamni Cretici

—— unciam unam & semis,

Florum Tilix,

Liliorum convallium, — ana uncias tres,

Rorismarini,

Lavandulæ, ——— ana unciam unam,

Comarum Stœchados ——— unciam semis,

Caryophyllorum,

Macis, ——— ana drachmas duas,

Castorei ——— drachmam unam & semis,

Incisis ac decenter contusis affunde

Vini albi generosi ——— libras octo.

Macera per sex dies, vas identidem agitando;
postea superadde

Aquæ Cerasorum nigrorum — libras duas,

Distil-

Distilla ex alembico vitreo in balneo - maris ad
siccitatem.

*In epilepticis insultibus, ubi excitatione ac stimulo
est opus.*

Dosis ad cochlear unum.

AQUA AD GONORRHŒAM

QUERCETANI.

R. Foliorum exsiccatorum Menthæ,
Dictamni Cretici,
Radicum Ireos Florentinæ, — ana unciam unam,
Seminum Agni casti,
Rutæ,
Lactucæ, — ana drachmas sex.

Modice contusis affunde

Vini albi ————— uncias viginti,

Terebinthinæ Venetæ ————— uncias quatuor.

Digere per triduum in cucurbita vitrea: postea
distilla secundum artem fere ad siccitatem.

*Ad gonorrhœam fetidam & virulentam, atque etiam
inveteratam præstantissima censetur.*

Dosis ad duo cochlearia per aliquot dies.

AQUA

AQUA VULNERARIA

CODICIS PARISIENSIS.

℞. Radicum Consolidæ majoris,
 Foliorum Consolidæ majoris,
 mediæ,
 minoris,
 Bellidis majoris,
 minoris,
 Saniculæ,
 Betonicæ,
 Scrophulariæ,
 Plantaginis,
 Agrimonix,
 Hyperici cum summitatibus,
 Vincæ Pervincæ,
 Hederæ terrestres,
 Artemisiæ,
 Veronicæ,
 Verbenæ,
 Fabæ crassæ,
 Millefolii,
 Rorismarini,
 Chamæmeli,
 Scordii,
 Majoranæ,
 Rutæ, ——— ana uncias quatuor,
 Salviæ,
 Angelicæ,
 Tanacetii,
 Absinthii Romani,
 Pontici,
 Folio-

Summitatum Hyperici,
 Consolidæ minoris,
 Rosarum rubrarum, — ana manipulum unum,
 Balauftiorum,
 Fructuum Sumach,
 Gallarum immaturarum,
 Malicorii,
 Summitatum Rorismarini, — ana drachmas duas.

Incisis omnibus vel contusis affunde
 Succum expressi Chelidonii,
 Petroselinii,
 — ana unciam unam,

Spiritus Vini ————— libras tres.

Macera per quatuor dies in vase optime clauso;
 postea distilla secundum artem lento igne in bal-
 neo arenæ: liquori distillato infunde

Lithargyrii,
 Cerussæ,
 Aluminis crudi,
 usti,
 Boracis mineralis,
 — ana drachmam unam & semis,

Tuthiæ præparatæ,
 Viridis Æris, ————— ana drachmas duas,

Maneant per diem: deinde filtretur Aqua, &
 servetur ad usum.

*Adhibetur externe felici successu in fistulis, ac reliquis
 ulceribus callosis.*

AQUA

V u

AQUA

AQUA OPHTHALMICA DE CANCRIS

MYSICHT.

R. Cancros, vel eorum loco Gammaros fluviatiles
— numero triginta,

Herbæ Chelidoniæ recentis — ad æquale pondus.

Contusis adde quæ sequuntur mediocriter trita,
vel pulverisata,

Seminum Fœniculi ————— unciam unam,

Umbilicorum marinorum,

Camphoræ, ————— ana unciam semis,

Caryophyllorum,

Aloes Hæpaticæ,

Tuthiæ, ————— ana drachmas duas.

Misce omnia simul, & affunde

Aquæ Euprasie ————— modicum

pro sufficienti humectatione: digere per triduum,
ac distilla ex alembico vitreo in balneo - maris se-
cundum artem.

*Ad oculorum lesiones ac vulnera mirificis laudibus ex-
tollitur.*

Si quis, omisiss pulveribus, ex Cancris cum her-
ba distillatis liquorem eliciat, habebit Aquam Oph-
thalmicam de Cancris simplicem Hartmanni.

AQUA

AQUA

AQUA OPHTHALMICA

TIMÆI.

℞. Foliorum Chelidoniæ majoris,
 Fœniculi,
 Betonicæ,
 Majoranæ,
 Rorismarini,
 Euphrasiæ,
 Fumariæ,
 Rutæ,
 Melissæ,
 Pimpinellæ,
 Salviæ, ——— ana manipulum unum.

Incisis & modice contusis affunde

Roris Majalis ——— libras sex,

Vini Malvatici ——— libras quatuor.

Facta sufficienti fermentatione, distilla ex alem-
 bico vitreo in balneo - maris secundum artem.

Ob vim discutientem oculis male affectis prodest.